

Avenida a haya nomber Caya G.F. Betico Croes

ORANJESTAD(AAN)- Mirando e hechio cu comision pa conmemora Betico a ricibi un avalancha di peticion pa y sugerencianan cu por conduci na duna Betico en feliz memoria su lugar mercei den e bida diario, gobierno a ser acerca cu entre otro dos proposicion cu e siguiente contenido.

1. Duna e caretera, cu ta cubri inicio di Nassastraat te e cruzada di caminda na Santa Cruz (banda di Club Estrella) e nomber di: Caya G.F. Betico Croes, Libertador di Aruba 25-1-1938 - 26-11-1986.

2. Hiba al cabo cu dentro di corto e dia di nacimiento di Betico, esta 25 di Januari, anualmente ta ser celebra como un dia di fiesta oficial.

Cu alegria inmenso Comision por a tuma nota cu gobierno ya a honra e peticion REGARDANDO cambio di caya desde inicio di

Nassastraat te Santa Cruz den Caya G.F. Betico Croes, Libertador di Aruba 25-1-1938 - 26-11-1986.

Comision ta spera cu gobierno sa di honra tambe e otro peticion encuanto e dia di fiesta oficial ariba 25 Januari, ya cu esaki ta

un anhelo hopi grandi cu ta biba cerca masha hopi conciudadano.

Comision kier a yama danki na tur esnan cu a contribui na e proposicionnan ariba menciona y luego felicita e poblacion cu e logro obtene ariba e nomber nobo pa un caya principal.